

Сынып жетекшілігі туралы ереженің орындалуы туралы мәлімет

2021-2022 оқу жылында даярлық топ жетекшісі – 2, 1-11 сынып аралығында – 30 сынып жетекші.

2022-2023 оқу жылында даярлық топ жетекшісі – 2, 1-11 сынып аралығында – 28 сынып жетекші.

2023-2024 оқу жылында даярлық топ жетекшісі – 2, 1-11 сынып аралығында – 28 сынып жетекші.

Ш.Айманов атындағы жалпы орта білім беру мектеп-интернатында сынып жетекші туралы ереже бекітілді.

Бұл ереже бойынша сынып жетекшілер өз қызметтерін Қазақстан Республикасының Конституциясына, БҰҰ-ның Бала құқықтары туралы конвенциясына, "Неке (ерлі-зайыптылық) және отбасы туралы" Қазақстан Республикасының Кодексіне, Қазақстан Республикасының "Білім туралы", "Қазақстан Республикасындағы баланың құқықтары туралы", "Педагог мәртебесі туралы", басқа да Қазақстан Республикасының білім беру саласындағы заңнамалық және нормативтік құқықтық актілеріне сәйкес жүзеге асырады.

Сынып жетекшілер тәрбие жұмыстарын ұйымдастыру кезінде тиісті теориялық және практикалық білімді және оқыту дағдыларын меңгеріп, жоғары өнегелілік қасиеттерге ие бола отырып, білім алушыларды жігерлендіріп, оларға қолдау көрсетіп және биік адами мұраттарға бағыттап отыр. Мектепте сынып жетекшілер мектеп басшының бұйрығымен тағайындалды. Сынып жетекшілердің қызметтерін жоспарлау және бақылау басшының тәрбие жөніндегі орынбасары жүзеге асырады.

Сынып жетекшілердің қызметінің негізгі мақсаты – балалардың жан-жақты дамуын ынталандыру, оқушылардың жеке басының қалыптасуы мен дамуына жағдай жасау, ата-аналармен (басқа да заңды өкілдермен) өзара байланыс орнату және оларды оқу мен тәрбие процесіне тарту. Онымен қоса сынып жетекшілерге келесі міндеттер артылады:

- 1) салауатты өмір салтына ынталандыру;
- 2) азаматтық пен патриотизмге, өз Отанын сүйуге, табиғатты қастерлеуге тәрбиелеу;
- 3) отбасы ара-қатынасын нығайту, үлкендерге құрметпен қарауға тәрбиелеу;
- 4) сыныпта достық ортаны, өзара түсіністікті құру;
- 5) білім алушылардың басқаларға деген жауапкершілігін, ұжымда жұмыс істей білуге баулу;
- 6) білім алушылардың өмір сүру жағдайларын білу;

- 7) ата-аналар жиналысын өткізу (педагогикалық консилиумдар, тренингтер, әңгімелер, ата-аналарға (басқа да заңды өкілдерге) арналған консультациялар);
- 8) білім алушылардың оқу жетістіктері және ішкі тәртіп ережелерін сақтау мәселелері бойынша ата-аналармен өзара әрекеттесу;
- 9) аптасына бір рет сынып сағаттарын өткізу;
- 10) білім беру ұйымының басшысын (директорын) сыныбымен тәрбие жұмысының жай-күйі туралы хабардар ету.

Сынып жетекшісінің функциялары

1. Ұйымдастырушылық және үйлестіру функциялары:

- сынып жетекшісінің жұмыс жоспарын әзірлеу;
- "мектеп-оқушы-ата-ана" өзара әрекетін жүзеге асыру;

2) Аналитикалық функциялар:

- оқушының жеке ерекшеліктерін зерттеу;
- сыныптағы оқушылардың жалпы даму динамикасын және үлгерім жағдайын талдау.

3) Коммуникациялық функциялар:

- білім алушылар арасындағы тұлғааралық қатынастарды реттеу;
- сыныпта жалпы қолайлы психологиялық климатты қалыптастыруға ықпал ету;

-білім алушылардың коммуникативті қасиеттерін қалыптастыруға көмектесу;

- мұғалімдер, білім алушылар және ата-аналар (басқа да заңды өкілдер) арасындағы ынтымақтастықты дамыту.

4) Бақылау функциялары:

- сыныптағы білім алушылардың үлгерімін, сабаққа қатысуын, сыртқы келбетін, эмоционалдық-психологиялық жағдайын бақылау.

10. Сынып жетекшісі өз функцияларына сәйкес білім алушылармен жұмыс жасау формаларын таңдайды:

1) жеке (әңгімелесулер, консультациялар, мәселелерді шешу жолдарын бірлесіп іздеу және т.б.);

2) топтық (шығармашылық бірлестіктер, өзін-өзі басқару органдары және басқалар);

3) ұжымдық (конкурстар, спектакльдер, концерттер, жорықтар, митингілер, жарыстар және т.б.).

11. Қашықтық форматында оқу процесін ұйымдастыру кезінде ата-аналарды (басқа да заңды өкілдерді) оқу процесі туралы, білім алушылармен кері байланыс орнату туралы, оқу барысы мен оқу нәтижелері туралы, білім алушылардың өз бетінше жұмыс істеуіне жағдай жасау қажеттілігі туралы хабарлайды.

Қорытындылай келе мектептегі сынып жетекшілер орта білім беру ұйымдарында бекітілген сынып жетекшілігі ережеге сәйкес жұмыс атқаруда.